

BOSNA I HERCEGOVINA - БОСНА И ХЕРЦЕГОВИНА

Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka



Агенција за развој високог образовања
и обезбјеђивање квалитета
Босне и Херцеговине
Бања Лука

Agency for Development of Higher Education and Quality Assurance of Bosnia and Herzegovina

Na osnovu člana 49. Okvirnog zakona o visokom obrazovanju u Bosni i Hercegovini ("Službeni glasnik BiH", broj: 59/07 i broj 59/09), člana 7. stav (2) i člana 9. stav (3) Odluke o kriterijima za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa („Službeni glasnik BiH“, br. 2/18 i 6/19) i člana 3. Pravilnika o načinu provođenja javnog konkursa za izbor domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji visokoškolskih ustanova i studijskih programa („Službeni glasnik BiH“, broj: 09/17 i 2/18) Agencija za razvoj visokog obrazovanja i osiguranje kvaliteta Bosne i Hercegovine **raspisuje**

JAVNI KONKURS

za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa

1. Naziv kategorija stručnjaka i naučne/umjetničke oblasti:

Javni konkurs za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa raspisuje se za sljedeće kategorije stručnjaka i sljedeće naučne/umjetničke oblasti:

Kategorija stručnjaka	Naučne/umjetničke oblasti
Stručnjaci - predstavnici akademske zajednice u Bosni i Hercegovini	<ul style="list-style-type: none">• prirodne nauke;• tehničke nauke;• biomedicina i zdravstvo;• biotehničke nauke;• društvene nauke;• humanističke nauke.
Stručnjaci - predstavnici privrede i prakse;	<ul style="list-style-type: none">• prirodne nauke;• tehničke nauke;• biomedicina i zdravstvo;• biotehničke nauke;• društvene nauke;• humanističke nauke.
Međunarodni stručnjaci,	<ul style="list-style-type: none">• prirodne nauke;• tehničke nauke;• biomedicina i zdravstvo;• biotehničke nauke;• društvene nauke;• humanističke nauke.
Studenti	<ul style="list-style-type: none">• prirodne nauke;• tehničke nauke;• biomedicina i zdravstvo;• biotehničke nauke;• društvene nauke;

- | |
|-----------------------|
| • humanističke nauke. |
|-----------------------|

2. Opšti kriteriji za odabir stručnjaka svih kategorija:

- znanje engleskog jezika višeg srednjeg stepena (B2) prema Zajedničkom evropskom referentnom okviru za jezike, odnosno ekvivalenta tom stepenu,
- znanje rada na računaru (MS office paket, MS outlook, internet).

3. Posebni kriteriji za odabir stručnjaka:

3.1. Za kategoriju stručnjaci - predstavnici akademske zajednice u BiH

- izbor u naučno-nastavno zvanje, odnosno umjetničko-nastavno zvanje nastavnika u relevantnoj naučnoj oblasti (prirodne nauke, tehničke nauke, biomedicina i zdravstvo, biotehničke nauke, društvene nauke i humanističke nauke) koje je izdala akreditirana visokoškolska ustanova,
- iskustvo u nastavi i/ili nadzoru istraživačkog studentskog rada, kao i osiguranju akademskih standarda o kvalitetu u pružanju obrazovnih usluga,
- iskustvo u ocjeni uspjeha studenata u akreditiranim visokoškolskim ustanovama ili istraživačkim programima u svojoj ili nekoj drugoj akreditiranoj visokoškolskoj ustanovi,

3.2. Za kategoriju stručnjaci - predstavnici privrede i prakse

- minimalno VSS iz relevantne naučne, odnosno umjetničke oblasti (prirodne nauke, tehničke nauke, biomedicina i zdravstvo, biotehničke nauke, društvene nauke i humanističke nauke),
- minimalno pet godina radnog iskustva na radnom mjestu u djelatnosti koja pripada ili je srodna određenoj naučnoj oblasti (prirodne nauke, tehničke nauke, biomedicina i zdravstvo, biotehničke nauke, društvene nauke i humanističke nauke) za koju se prijavljuje,

3.3. Za kategoriju međunarodni stručnjaci

3.3.1. Međunarodni stručnjaci predstavnici akademske zajednice

- naučni stepen doktora nauka iz relevantne naučne oblasti (prirodne nauke, tehničke nauke, biomedicina i zdravstvo, biotehničke nauke, društvene nauke i humanističke nauke),
- iskustvo u nastavi i/ili nadzoru istraživačkog studentskog rada, kao i osiguranju akademskih standarda o kvalitetu u pružanju obrazovnih usluga,
- iskustvo u ocjeni uspjeha studenata u visokoškolskim ustanovama ili istraživačkim programima u svojoj ili nekoj drugoj visokoškolskoj ustanovi koje su akreditirane prema propisima države u kojoj je sjedište visokoškolske ustanove,
- iskustvo u vršenju revizije kvaliteta visokoškolske ustanove i/ili studijskih programa.

3.3.2. Međunarodni stručnjaci predstavnici privrede i prakse

- minimalno VSS iz relevantne naučne, odnosno umjetničke oblasti (prirodne nauke, tehničke nauke, biomedicina i zdravstvo, biotehničke nauke, društvene nauke i humanističke nauke),
- minimalno pet godina iskustva u relevantnoj naučnoj, odnosno umjetničkoj oblasti (prirodne nauke, tehničke nauke, biomedicina i zdravstvo, biotehničke nauke, društvene nauke i humanističke nauke) za koju se prijavljuje.

3.4. Za kategoriju studenti

- redovan studij I, II ili III ciklusa studija određene naučne, odnosno umjetničke oblasti na akreditiranoj visokoškolskoj ustanovi, odnosno da nije obnavljao akademsku godinu;
- minimalni prosjek ocjena 8 ili 3,5,
- iskustvo u reformama visokog obrazovanja.

4. Spisak potrebnih dokumenata:

Prijava kandidata na javni konkurs vrši se popunjavanjem obrasca prijave koji je dostupan na web-stranici Agencije www.hea.gov.ba.

Uz popunjen i potpisan obrazac prijave, kandidati dostavljaju sljedeće dokaze:

Dokazi o ispunjavanju opštih kriterija:

- Kao dokaz o znanju engleskog jezika višeg srednjeg stepena (B2) prema Zajedničkom evropskom referentnom okviru za jezike, odnosno ekvivalenta tom stepenu kandidati mogu dostaviti jedan od sljedećih dokumenata:
 - a) uvjerenje škola ili drugih institucija koje se bave obučavanjem znanja stranih jezika, bez obzira da li se nalaze u Bosni i Hercegovini ili izvan nje,
 - b) diploma ili druga isprava koja potvrđuje stečeno zvanje ili zanimanje koje je neposredno vezano za znanje engleskog jezika (npr. profesora engleskog jezika, jezičkog prevodioca, asistenta prevodioca i sl.);
 - c) diploma završenog fakulteta ili stečenog naučnog zvanja u Bosni i Hercegovini ili u inozemstvu na osnovi koje se nedvosmisleno može utvrditi da je isto školovanje u cjelini ili u pretežnom dijelu završeno na engleskom jeziku.
- Kao dokaz o znanju rada na računaru (MS office paket, MS outlook, internet) kandidati mogu dostaviti jedan od sljedećih dokumenata:
 - a) uvjerenje škola ili drugih institucija koje se bave obučavanjem znanja rada na elektronskim komunikacionim sistemima, bez obzira da li se nalaze u Bosni i Hercegovini ili izvan nje,
 - b) diplomu ili drugu ispravu koja potvrđuje stečeno zvanje ili zanimanje koje je neposredno vezano za rad na elektronskim komunikacionim sistemima.

Dokazi o ispunjavanju posebnih kriterija:

- Univerzitetska diplomu VII stepena, odnosno ekvivalenta Bolonjskog sistema studiranja, a kandidati koji su visoko obrazovanje stekli po Bolonjskom sistemu studiranja uz diplomu dostavljaju i dodatak diplomi u skladu s odredbama člana 54. Okvirnog zakona o visokom obrazovanju u Bosni i Hercegovini. Predstavnici kategorije studenata koji su još uvijek u toku studiranja kao dokaz dostavljaju uvjerenje visokoškolske ustanove da studira na toj visokoškolskoj ustanovi.
- uvjerenja visokoškolskih ustanova kojima se potvrđuju propisane činjenice, odnosno visokoškolskih ustanova i drugih ustanova i organizacija u kojima je kandidat stekao traženu vrstu iskustva, kao i certifikati, potvrde i drugi dokumenti kojima se dokazuju propisane činjenice.
- Uvjerenje o akreditaciji visokoškolske ustanove koje izdaje agencija nadležna za postupak akreditacije i vođenje registra akreditiranih visokoškolskih ustanova u državi u kojoj je sjedište visokoškolske ustanove.

Napomena:

Kandidati dokumente kojima se dokazuje ispunjavanje propisanih općih i posebnih uvjeta iz javnog konkursa dostavljaju u originalu ili ovjerenoj fotokopiji.

Za dokazivanje uslova iz konkursa kojima se traži status akreditirane visokoškolske ustanove, kandidati nisu obavezni dostavljati dokaz o akreditaciji visokoškolske ustanove čije je sjedište u Bosni i Hercegovini.

5. Način dostavljanja prijave:

Popunjen i potpisan obrazac prijave sa pratećom dokumentacijom kojom se dokazuje ispunjavanje općih i posebnih uvjeta iz javnog konkursa, kandidati dostavljaju poštom preporučeno na sljedeću adresu:

Agencija za razvoj visokog obrazovanja i osiguranje kvaliteta Bosne i Hercegovine

Akademika Jovana Surutke 13

78 000 Banja Luka

Bosna i Hercegovina

sa naznakom: „Javni konkurs za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa“.

Kandidati koji se prijavljuju za kategoriju međunarodni stručnjaci popunjen i potpisan prijavni obrazac i prateću dokumentaciju mogu dostaviti skeniranu elektronskom poštom, s tim da su dužni, ukoliko budu uvršteni na listu, navedene dokumente dostaviti u originali ili ovjerenoj fotokopiji na adresu Agencije u roku od 30 dana od dana prijema obavijesti da su uvršteni na listu stručnjaka.

E-mail adresa za dostavljanje prijava putem elektronske pošte: dalibor.ateljevic@hea.gov.ba

Nepotpune i neblagovremeno dostavljene prijave neće biti predmet razmatranja.

Rok za podnošenje prijave:

Rok za podnošenje prijava na javni konkurs je 30 dana od dana objavljivanja obavještenja o raspisivanju javnog konkursa u dnevnim novinama.

Napomene za sve kandidate:

- Jedan kandidat se može prijaviti samo za jednu od kategorija stručnjaka i jednu naučnu/umjetničku oblast.
- Nakon provedene konkursne procedure, na osnovu člana 49. alineja 2. Okvirnog zakona o visokom obrazovanju u Bosni i Hercegovini, Komisija će utvrditi listu stručnjaka koju Agencija dostavlja svim ministarstvima obrazovanja u Bosni i Hercegovini i nadležnom odjeljenju u Vladi Brčko Distrikta na usvajanje. Sa usvojene liste stručnjaka, na osnovu prijedloga nadležnih obrazovnih vlasti, Agencija će imenovati komisije za akreditaciju visokoškolskih ustanova i studijskih programa.

Dodatne informacije mogu se dobiti na tel: + 387 51 430 510.

DIREKTOR

Prof. dr. Enes Hašić, s.r.

www.hea.gov.ba, e-mail:info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302